

渭南文集

《四部備要》

集部

上海中華書局據汲古閣  
本校刊

桐鄉 陸費逵 總勘

杭縣 高時顯 輯校

杭縣 吳汝霖 校  
丁輔之 監造

版權所有 不許翻印

傳

陸游字務觀越州山陰人年十二能詩文蔭補登仕郎鎖廳薦送第一秦檜孫埴適居其次檜怒至舉主司明年試禮部主事復置游前列檜顯黜之由是爲所嫉檜歿始赴福州寧德簿以薦者除敕令所刪定官時楊存中久掌禁旅游力陳非便上嘉其言遂罷存中中貴人有市北方珍玩以進者游奏陛下以損名齋自經籍翰墨外屏而不御小臣不體聖意輒私買珍玩虧損聖德乞嚴行禁絕應詔言非宗室外家雖實有助勞毋得輒加王爵頃者有以師傳而領殿前都指揮使復有以太尉而領閣門事讀亂名器乞加訂正遷大理寺司直兼宗正簿孝宗卽位遷樞密院編脩官兼編類聖政所檢討官史浩黃祖舜薦游善詞章諸典故召見上曰游力學有聞言論剴切遂賜進士出身入對言陛下卽卽位乃信詔令以示人之時而官吏將帥一切既習宜取其尤沮格者與衆議之和議將成游又以書白二府曰江左自吳以來未有捨建康他郡者駐蹕臨安出於權宜形勢不固饋餉不便海道逼近凜然意外之憂一絲之後盟誓已立動有拘礙今當與之約建康臨安皆係駐蹕之地北使朝聘或就建康或就臨安如此則我得暇時建都立國彼不我疑時龍大淵曾觀用事游爲樞臣張燾言觀大淵招權植黨熒惑聖聽公及今不言異日將不可去燾遽以聞上詰語所自燾以游對上怒出通判建康府尋易隆興府言者論游交結臺諫鼓唱是非力說張浚用兵免歸久之通判夔州王炎宣撫川陝辟爲幹辦公事游爲炎陳取進之策以爲經略中原必自長安始取長安必自隴右始當積粟練兵有費則攻無則守吳璘子挺代掌兵頗驕恣傾財結士屢以過誤殺人炎莫誰何游請以玠子拱代挺炎曰拱怯而寡謀遇敵必敗游曰使挺遇敵安保其不敗就令有功愈不可駕馭及挺子曦僭叛游

言始驗范成大帥蜀游爲參議官以文字交不拘禮法人譏其頗放因自號放翁後累遷江西常平提舉江西水災奏撥義倉賑濟檄諸郡發粟以予民召還給事中趙汝愚駁之遂與祠起知嚴州過關陞辭上諭曰嚴陵山水勝處職事之暇可以賦詠自適再召入見上曰卿筆力同韓愈甚善非他人可及除軍器少監紹熙元年遷禮部郎中兼實錄院檢討官嘉泰二年以孝宗光宗兩朝實錄及三朝史未就詔游權同修國史實錄院同修撰免奉朝請尋兼祕書監三年書成遂陞實錄院待制致仕游才氣超逸尤長於詩晚年再出爲韓侂胄撰南園閱古泉記見譏清議朱熹嘗言其能太高迹太近恐爲有力者所牽挽不得全其晚節蓋有先見之明焉嘉定二年卒年八十五



前輩有欲補詩史一字之漏終莫適其當者夫發言寓意未必惟一字之工或者窮思畢慮之弗逮人才相去乃爾遠耶

太守山陰陸先生劍南之作傳天下眉山蘇君林牧拾尤富適官屬邑欲鉅本為此邦盛事適以纂次屬師尹亦既斂衽肅觀則浩渺閱肆莫測津涯掩卷太息者久之獨念吾儕日從事先生之門間有疑闕自公餘可以從容質正幸來者見斯文大全用是不敢辭劍南詩豪六百九十四首續豪三百七十七首蘇君於集外得一千四百五十三首凡二千五百廿四首又□七首釐爲□十卷總曰劍南因其舊也文字傳襲失真類不滿人意其如此書得之所見有以傳信而無疑若夫發乎情性充乎天地見乎事業忠憤感激憂思深遠一念不忘君先生之志且有當世巨公爲之發揮非師尹敢任淳熙十有四年臘月幾望門人迪功郎監嚴州在城都稅務括蒼鄭師尹謹書

宋板翻雕

跋

先太史之文於古則詩書左氏莊騷史漢于唐則韓昌黎于本朝則曾南豐是所取法然稟賦宏大造詣深遠故落筆成文則卓然自爲一家人莫測其涯涘蓋今學者皆熟誦劍南之詩續豪隆家藏世亦多傳寫惟遺文自先太史未病時故已編輯而名以渭南矣第學者多未之見今別爲五十卷凡命名及次第之旨皆出遺意今不敢紊乃鉅梓漂陽學宮以廣其傳渭南者晚封渭南伯乃自號爲陸渭南嘗謂子適曰劍南乃詩家事不可施於文故別名渭南如入蜀記牡丹譜樂府詞本當別行而異時或其散失宜用慮陵所刊歐陽公集例附于集後此皆子適嘗有疑而請問者故備著于此嘉定十有三年十一月壬寅幼子承事郎知建康府溧陽縣主管勸農事子適謹書

故翁富于文辭諸體具備惜其集罕見于世馬氏通考載渭南集三十卷今不傳邇來吳中士夫有抄而秘其本者亦頗無詮次紹興郡有刻本去入蜀記瀾增詩九卷據翁命子云詩家事不可施于文况十僅一二耶既得光祿華君活字印本渭南文集五十卷乃嘉定中翁幼子適編輯也跋云命名次第皆出遺意但活板多謬多遺因嚴加讎訂并付剞劂自秋徂冬凡六月而書成湖南毛晉記



渭南文集總目

卷第一

表二十首

牋七首

卷第二

南宮表牋二十五首

卷第三

劄子十首

卷第四

劄子十二首

卷第五

奏狀八首

卷第六

啓十二首

卷第七

啓十六首

卷第八

啓十六首

卷第九

啓十六首

卷第十

啓十七首

卷第十一

啓二十二首

卷第十二

啓十五首

卷第十三

書九首

卷第十四

序十七首

卷第十五

序十七首

卷第十六

碑六首

卷第十七

記十三首

卷第十八

記十一首

卷第十九

記十首

卷第二十

記十首

卷第二十一

記十首

卷第二十二

銘七首

卷第二十三

傳三首

卷第二十四

疏二十一首

卷第二十五

疏二十九首

卷第二十六

勸農文三首

卷第二十七

跋四十首

卷第二十八

跋四十九首

卷第二十九

跋四十一首

卷第三十

跋四十首

卷第三十一

贊二十四首

青詞六首

祝文二十三首

雜書十二首

跋四十七首  
卷第三十二

墓誌銘四首  
卷第三十三

墓誌銘五首  
卷第三十四

墓誌銘四首  
卷第三十五

墓誌銘三首  
卷第三十六

墓誌銘六首  
卷第三十七

墓誌銘五首  
卷第三十八

墓誌銘四首  
卷第三十九

墓誌銘二首  
墓表五首  
壙記一首

卷第四十  
塋銘八首

卷第四十一  
祭文二十一首

卷第四十二  
天彭牡丹譜  
哀辭二首

致語六首  
卷第四十三

入蜀記第一  
卷第四十四

入蜀記第二  
卷第四十五

入蜀記第三  
卷第四十六

入蜀記第四  
卷第四十七

入蜀記第五  
卷第四十八

入蜀記第六  
卷第四十九

詞六十七首  
卷第五十

詞六十三首

渭南文集目錄

卷第一

天申節賀表  
又 會慶節賀表  
瑞慶節賀表

光宗冊寶賀表  
皇太子受冊賀表  
賀明堂表

謝明堂赦表  
謝賜曆日表  
又 謝赦表

福建到任謝表  
嚴州到任謝表  
江西到任謝表  
除寶謨閣待制謝表

轉太中大夫謝表  
落職謝表  
謝致仕表  
逆曦授首稱賀表

光宗冊寶賀太皇太后牋  
皇帝御正殿賀皇后牋

皇帝御正殿賀皇太子牋  
皇太子受冊賀皇后牋

賀皇太子受冊牋  
逆曦授首賀太皇太后牋  
逆曦授首賀皇后牋



渭南文集卷第一

宋陸游務觀

天申節賀表

化國之日舒以長運啓千齡之盛天子有父尊之至  
心均萬寓之驩敢即昌期虔申壽祝中實恭惟太上  
皇帝陛下宅心清靜受命博將協氣熏爲太平華夷  
銜莫報之德孫謀以燕翼子宗社修無疆之休誕敷  
錫於下民丕靈承於上帝臣方馳使傳阻綴朝班望  
睟表於雲霄敢恨微蹤之遠被頌聲於金石尚希薄  
技之陳

會慶節賀表

有王者興爰啓不平之運使聖人壽敢忘胥戴之誠  
中實恭惟皇帝陛下蕩乎無名建其有極千戈載戢  
思加遼碣之區固圉一空治格成康之上敘時百福  
享國萬年臣迹滯遐陬心馳魏闕紀虹渚電樞之慶  
莫廁諸儒演龍宮益笈之文徒修故事

又

帝生商而立子有開必先民戴舜以同心無遠弗届  
乾端肇闢徽貢交修中實臣早以湖海之微生親見  
唐虞之盛典蓬轉逾二十年之久每注想於冕旒嵩  
呼上千萬壽之時獨阻陪於簪笏茲膺郡寄復在王  
畿目瞻佳氣之鬱葱耳聽離聲之洋溢永言疎賤已  
極光榮恭惟皇帝陛下煥乎其有竟文粲然而興周  
道三朝圖籍將還榮河溫洛之都萬里車書已軌碣  
石榆林之壤以仁政廣華夷之德澤以豐年奉郊廟  
之牲牲凡曰含齒戴髮之傳均被淪肌浹髓之賜光  
御無疆之曆益培有永之年臣猥以分符莫運造闕  
簫韶方奏徒傾就日之心歌頌可陳尚刻齊天之石  
瑞慶節賀表

虹流電繞適當聖作之辰驚抃嵩呼共效壽祺之祝

敢傾丹悃仰扣睿聰中實恭惟皇帝陛下德當乾符  
躬有聖瑞東漸西被偉聲教之混同上際下蟠極仁  
恩之滂濫帝生商而立子民戴舜以同心歷考前聞  
孰逾盛際臣生逢千載仕歷四朝獻貢川珍猥預職  
奔之末焉飛魚躍永依洪造之中

光宗冊寶賀表

龜食簞從考廟方嚴於典冊仗全樂備都人咸觀於  
禮容聖教茂昭驩聲旁達中實恭惟皇帝陛下道參  
穹壤德肖祖宗稽周王卜茲之求躬虞帝終身之慕  
父傳歸子有光盛舉於兩朝天定勝人果見太平於  
今日乃咨元老大臣之參訂兼采議郎博士之討論  
勒崇垂鴻極高蟠厚臣在列觀龍飛之日細書奏麟  
趾之篇際遇特殊等夷罕及既莫預曲臺之議又阻  
從屬車之塵徒有悃誠形於夢想

皇帝御正殿賀表

肅傳清蹕端御昕朝德上際而下蟠澤東漸而西被  
中實恭惟皇帝陛下體天廣覆如日正中率禮無違  
永敷歲月遷流之速嚮明而治勉奮臣民愛戴之心  
諏太史涓吉之辰采奉常縣誌之議對揚宗社之福  
爰舉公卿之觴兩曜清明四方抃舞臣農疇齒耄帝  
所夢遙華衣光臨雖莫望火龍輔戴之盛黃麾備設  
尚想聞金石絲竹之音

皇太子受冊賀表

明詔建儲永爲宗社之本正衝發策顯舍神祇之心  
國勢奠安輿情闡懌中實恭惟皇帝陛下若稽古訓  
駿惠先猷壽考億年誕膺不祫之福本支萬世坐擁  
無疆之休存心養性以事天修身齊家而治國迨舉  
有邦之慶益昭知子之明臣跡遠周行心馳魏闕命  
太史卜日之吉徒聞播告之傳道上公持節以行莫  
預觀瞻之盛儻未辭於聖代尚自力於聲詩

賀明堂表

農扈屢豐協氣方流於縣宇台宮大享曠儀遂舉於

中天驛置星馳嵩呼雷動伏以聖神在御祈報間行  
肆嚴長至之祠一舉上辛之典惟茲宗祀實在季秋  
既得萬國之驩心宜罄一精之嘉薦中實恭惟皇帝  
陛下範圍元化斧藻太平采皇祐之舊章茂建中和  
之極稽紹興之新制用適古今之宜上帝顧歆殊休  
叢委臣官廩遐微心繫明廷考漢家汶上之圖嗟莫  
陪於潤色繼周頌我將之作尚自力於形容

謝明堂表

明堂總章舉曠儀於路寢鉤陳羽衛數大號於端闈  
德協穹祇春回海縣中謝恭惟皇帝陛下道繼祖武  
政酌民言乾文仰法於房心肇稱鉅典解澤默符於  
雷雨一洗衆愆統和天人空虛囹圄臣適乘使傳遠  
在遐阪奉五百里之驛書徒深驚扑上千萬年之聖  
壽莫綴鳬鴻

謝表

宣布仁恩發揚孝治觀人心之鼓舞知天意之協從  
中謝恭惟皇帝陛下躬舜禹之資履曾閔之行損又  
損而至道老吾老以及人一日三朝雖極寧親之大  
養四方萬里尚憂庶獄之士率內廣惠心旁流霈澤  
雨露所被囹圄一空臣適以守藩恭聞孚號雖與民  
欣戴如瞻咫尺之天然受命禱祈實勞方寸之地

謝賜曆日表

春秋以王而次春不顯體元之妙閏月定時而成歲  
適當頒曆之辰治象一新歡聲四溢中謝恭惟皇帝  
陛下道兼倫制化被華與念王業之艱難每急農桑  
之務察天心之仁愛尤深水旱之憂誠意既孚嘉生  
並應呼嵩高之萬歲幸觀昌期陳泰階之六符不勝  
大願

又

詔班新曆雖舉彝章地近清都獨先下拜恩光旁燭  
小已知榮中謝臣聞堯授人時實前民用漢得天統  
克協帝心方當重熙累洽之盛時宜謹體元居正之

大典恭惟皇帝陛下擬圖丕赫受命博將齊七政於  
璿璣昭示太平之象調四時之玉燭用待來歲之宜  
爰勅有司以幸天下臣偶叨牧養獲與布宣職思其  
憂勤課誓殫於綿力年運而往功名更感於初心

福建到任謝表

咸造在廷甫達朝宗之願奉使有指遠叨臨遣之榮  
大造難名餘生曷報中謝伏念臣么然薄命起自窮  
閭偶以元祐之黨家獲與紹興之朝士真人有作景  
運方開適當守數息人才之實難顧一時豪傑號召  
而未至首蒙引對面錫殊科遭逢稀闊之知聳動獨  
遐之聽豈期蹇薄旋因沉綿卒繫全度之恩俾獲退  
藏之分侵尋半世轉徙兩川三爲別乘之行再忝專  
城之寄五十之年已過非復壯心八千之路來歸況  
如昨夢數陳淺拙應對參差惟謹黜之是宜豈超遷  
之敢望此蓋伏遇皇帝陛下道兼倫制澤被堪輿念  
臣留落有年尚未除於狂態憐臣馳驅無地空竊抱  
於愚忠顧雖末路之孤蹤猶玷外臺之高選臣謹當  
力思守道深戒疎官禮樂遠有光華既大踰於素望  
靖共好是正直庶少會於鴻私

江西到任謝表

疏恩趣召靡待一人之言改命遽行猶備四方之使  
丹衷欲敘雪涕先傾中謝伏念臣稟資迂愚立身羈  
輓偶竊犁鋃之餘暇妄窺述作之淵源纍然自力於  
簡編老之將至過矣見稱於流輩轉而上聞頃入對  
於燕朝實親承於睿獎然而異恩賜第弗由場屋之  
選掄特旨造廷非出公卿之論薦已分亟投於閑散  
豈期重累於生成此蓋伏遇皇帝陛下立賢無方用  
人唯己一洗拘攣之積弊廣收魁傑之遺才施及妄  
庸亦蒙省錄甫停追詔還界使禮凡曰自結於上知  
皆俾無昭於後害海嶽之內纖塵墜露何所用之父  
母之愛幼子童孫蔑以加此驅馳入境感懼填膺重  
念臣樸學守株孤身吊影素乏蚍蜉螳子之助孰爲

輪困蟠木之容愴餘日之安歸抱微誠而永歎方天子建中和之極用告成功雖文史近卜祝之間亦思自效尚憑長育不遂棄捐所願預草漢家檢玉之文未敢遽同堯民擊壤之作劄肝自訴伏鑽何辭疾痛飢寒仰而呼天誓靡求於世俗齋戒沐浴可以事帝冀終望於清光

### 嚴州到任謝表

穿延和之細仗面只尺天佩新定之左符秩二千石叨塵過分感懼交懷中謝臣聞明主恩深書生命薄唐帝之知李白一官不及於生前漢皇之念相如遺稿徒求於身後況如臣輩莫望昔人猥緣一技之卑嘗綴百僚之末雖替勞久違於斯謁乃姓名猶在於淵衷乘傳來歸兩奉召還之旨懷章欲上亟蒙趣對之榮親降王音俯憐雪鬢勞其久別蓋寵嘉近侍之所宜勉以屬文實臨遣守臣之未有茲蓋伏遇皇帝陛下睿謨冠古英斷如神肆筆成書千載獨高於聖學刺經作制諸儒絕企於清光以臣夙被化於明時憐臣未廢書於晚歲將激昂其素志故闢略於往愆臣敢不戴使愚使過之恩念有社有民之寄憩棠陰而聽訟期無墜於家聲及瓜戍而代歸尚少酬於君賜

### 除寶謨閣待制謝表

陪衆雋以登瀛已慙薄陋屢六飛而上雍遽踐高華恩重命輕感深涕賈中謝伏念臣材非異稟家本至寒蒼雅遺書守先臣之孤學莊騷奇作誦諸老之舊聞竊慕隱居求志之風尤恥諱世取名之事年運而往道阻且長仕止爲貧適遇四朝之盛際老循不死遂爲六聖之遺民豈期垂盡之時更被非常之遇置之儒館命以信書特寬尸素之重誅不待汗青而加賞茲蓋伏遇皇帝陛下道兼倫制學備誠明體宮宮厚厚之仁躋蕩蕩巍巍之治風行雷動號令靡隔於幽遐魚躍鸞飛人材不遺於疏賤雖耄期之已迫尚

覆育之愈深臣敢不口誦訓辭心銘德澤入預甘泉之筆冀儻效微勞歸尋杜曲之桑麻終祈洪造

### 轉太中大夫謝表

信史奏篇獲紀兩朝之盛恩書馳驛躋躋四品之崇方醴賞之既行欲牢辭而弗敢始終忝幸俯仰兢慙中謝伏念臣身出窮閭家承孤學披肺腑而自力雖有素懷賜骸骨以歸休已更累歲昨被出綸之命起參載筆之遊強託昏廢忘之餘均筆削討論之責食常忘事但憂尸素之當誅成本因人乃以汗青而受寵茲蓋伏遇皇帝陛下奉先思孝守位曰仁夙受命於皇天克肖其德肆纂圖於列聖無疆惟休永懷弓劍之藏每切羹牆之慕爰求遺老俾誦舊聞而臣猥以耄期恭承訓勉愴大父詩書之業久已寂寥讀元豐文獻之言至於感泣雖迫蓋棺之日敢忘結草之酬

### 謝致仕表

持橐甘泉已竊逢辰之幸挂冠神武又叨歸老之榮加恩俯念於耄年延賞特頒於申命伏讀絲綸之語曷勝犬馬之情中謝伏念臣家本窮閭世承孤學雖遇千齡之盛際初無一日之微勞白首光陰臘冠登藏之選青雲步武亟陪上雍之班屬預奏於信書遂祈歸於故里奉祠雖伏糲食靡安茲府貢於忱辭始恭承於俞旨至於特捐異數增資衰門顧令么微獲被榮耀茲蓋伏遇皇帝陛下仁參化育道極範圍繼粟繼肉以養賢才稅輟稅噓以禮耆耄思正元之朝士寤寐不忘念山陰之老人生存無幾越拘攣於令甲聳觀聽於薦紳簡編有光世類知勸而臣抱病牀第絕望闕廷賤息何能亦忝及親之祿素風未墜豈無報國之期

### 落職謝表

叨榮罪大念舊恩深僅鐫筆臺之華猶保桑榆之景仰慈鴻造下愧公言中謝伏念臣本出故家初無他

技每自求於遠宦豈有意於虛名命之多難動輒爲累強起僅餘於數月退歸又閱於六年齒豁頭童心勤形瘵叫問請命蒙恩久許其乞骸飾巾待終視世已同於逆旅敢謂寬平之邦憲尚令斯盡於里居此蓋伏遇皇帝陛下勵精大猷惠養遺老念臣生當全盛被六聖之涵濡憐臣仕遇中興荷三宗之識拔雖名薄責益示殊私臣敢不祇誦訓詞痛懲宿負尸居餘氣永無再瞻軒陛之期老生常談莫敘仰戴丘山之意

逆曦授首稱賀表

天無私覆實均父母之仁邦有大刑爰下風雷之令英斷若神明之速成功無辱刻之淹氣侵澄清頌聲洋溢中實臣伏以高皇有作王室中興方大戎窺蜀以憑陵積驍將奮身而守衛念功無已分闔相承仰累朝寵數之非常雖舉族糜捐而曷報豈圖小醜自取參夷僭服自如改元無憚受封割地已北通靈之庭置戍奉符欲東扼瞿唐之險罪不勝於擢髮誅寧貸於闔門肆推曠蕩之恩實自聖神之造恭惟皇帝陛下德配天地功光祖宗覽圖籍而動容每念兩京之未復奉廟祧而實涕不忘九世之深讎蠢茲籙卯之微自投鼎鑊之地人情共憤天討遂加蒞醢以賜諸侯雖特寬於漢法頭顱之行萬里已大震於戎心遙知羣醜宵遁之餘無復竄塞秋防之警臣身歸南陌名寓西清馳驛四傳徒快鯨鯢之戮造朝旅賀莫越鵷鷺之班

光宗冊寶賀太皇太后牋

諏穀日於清臺著龜允協奉鴻稱於考廟典冊有嚴慶襲重闡驪騰函寓恭惟太皇太后殿下道同先后德著累朝閱天下義理之深體坤元光大之盛密扶濟斷纂修列聖之治功備述先猷啓迪一人之達孝舉時大典紹國成規臣敘迹還東馳心拱北紳綏維逯遙瞻濟濟之賀班宮闕峩議徒寄區區之夢境

皇帝御正殿賀皇后牋

聖治聿新爰正路朝之御邦儀丕舉寶賢內助之功盛典告成函生胥慶恭惟皇后殿下道隆任姒化洽邦家方當守之朝羣臣惟聖時克宜中壺之介萬壽與天同休內闈六寢之驩外副萬方之望臣久違近著獲遇昌辰聽九賓之臚傳莫陪抃舞望五雲之宮闕徒極傾輸

皇帝御正殿賀皇太子牋

清蹕肅九賓之儀方臨當守寶籙奉萬壽之祝允屬諸宮邦家有光華裔同慶恭惟皇太子殿下道隆孝友性極誠明以大學爲家傳一洗俗儒章句之陋以密贊爲子職豈獨寢門櫛縫之恭相此多儀實先百辟某久嬰沉疾已迫頽齡想廣殿之崇嚴莫陪稽翼占前星之明潤徒極傾馳

皇太子受冊賀皇后牋

壺政憂勤協贊上聖登三之治母慈顧復遂開東宮明兩之祥汗簡光華函生鼓舞恭惟皇后殿下道光圖史化被宮闈嗣先后之徽音體柔祇之厚載鵷鷺之降二女允謂盛時周臣之止九人寶資內助迨此建儲之命益知儼極之尊臣自去通班久安故里類齡耄矣莫陪執玉之趨鉅典煥然不勝拭目之喜

賀皇太子受冊牋

父慈子孝集大慶於我家日吉時良發正衙之顯冊國勢重於九鼎驪聲達於四方恭惟皇太子殿下秉德淳明宅心虛靜英姿達識事洞照於幾先強記博聞言必稽於古訓躬守累朝仁恕之訓日侍兩宮辟穆之顏歷考古初寶爲創見某夙叨四品垂及九齡爲國老農莫逢濟濟鵷鷺之列逢時盛典尚懷區區犬馬之心

逆曦授首賀太皇太后牋

叛臣干紀敢萌負固之心密詔行誅不待崇朝之久慶關宗社喜溢宮庭臣伏以參井之墟古今重地方

高帝東巡之始寶羣胡南牧之秋爰有驍雄服勞疆  
圉惟列聖念功之意每示優隆度故臣誓報之心豈  
有窮已蠢茲微孽亦荷異恩入居宿衛之聯出任師  
干之寄天所助者順乃懷悖逆之圖人不食其餘自  
撥殲夷之譴尚全遺族實出上恩恭惟太皇太后殿  
下坤厚資生母儀燕翼每道先朝之家法助成聖主  
之性仁慰在天之靈故誅其孥而無赦廣及物之澤  
故宥其族而弗疑臣久屏窮閭猶叨近侍用三有宅  
欣逢湯德之寬於萬斯年莫預堯封之祝

逆議授首賀皇后賤

逆臣負固上貽正守之憂密詔行誅不待靈旗之指  
勳高古昔喜溢宮庭伏以分國專征本倚世臣之舊  
野心叵測輒干邦憲之嚴妖禽自取於覆巢靡草獨  
枯於長夏尚加矜貸曲示涵容故雖同產之親止用  
徙鄉之典恭惟皇后殿下道光燭炳德配坤元待膳  
慈闈克謹晨昏之奉焦心中壺每分宵旰之勞及此  
成功允為大慶聳裔夷之觀聽增竹帛之光華臣久  
已歸耕莫陪入賀身修家齊國治實由內助之功天  
時地利人和行覲外攘之烈

渭南文集卷第一



渭南文集目錄

卷第二

丞相率文武百僚請建重明節表

又

又

立皇后丞相率文武百僚稱賀壽皇表

賀皇帝表

賀皇太后表

賀壽成皇后表

賀皇后表

重明節明慶寺丞相率百僚啓建道場疏

開起

滿散

進疏

會慶節明慶寺丞相率百僚啓建道場疏

開起

滿散

進疏

文武百僚謝冬衣表

會慶節丞相率文武百僚賀壽皇表

丞相率文武百僚賀至尊壽皇聖帝冬至表

丞相率文武百僚賀皇帝冬至表

丞相率文武百僚請皇帝聽樂表

丞相率文武百僚賀皇太后受冊表

丞相率文武百僚賀壽成皇后受冊表

丞相率文武百僚上皇帝賀三殿受冊表

丞相率文武百僚賀壽皇正旦表

丞相率文武百僚賀皇帝正旦表

丞相率文武百僚賀壽皇正旦表

丞相率文武百僚賀皇帝正旦表